

# Dienelkander

Nuusbrief van die Gereformeerde Kerk Potchefstroom-Oos



9 April 2017

## OGGENDDIENS: Ds. Karel

Ons deel vanoggend in Pieter van Zyl se vreugde wat die geleentheid het om vandag sy geloof hier in ons midde te bely. Mag jy die genade en vrede van ons Here op 'n besonderse manier beleef, Pieter!

**Skriflesing:** Johannes 4: 27-42

**Teks:** Johannes 4: 34, 38

**Tema:** Gaan en samel die voltooide werk van Christus in!

Paasfees moet vir elke gelowige in werklikheid 'n besonderse tyd van die jaar wees, aangesien ons dan kan fokus op die groot verlossingsdade van die Here. In Johannes 4 hoor ons iets van hierdie verlossingsdade van ons Here. Kom ons kyk vanoggend daarna deur eers te kyk wat Jesus bedoel het toe Hy gesê dat Hy gestuur is, dan na die werk wat Hy gekry het om te voltooi en dan hoe ons in hierdie voltooide werk van Christus deel as mense wat die oes moet insamel.

## Lofprysing ter voorbereiding van die erediens

Lied 464: 1, 3, 4 en Lied 308: 1, 2, 3, 4

## Ontmoetingsdiens

Intreelied Lied 151:2; Votum; Seën; Loflied Sb. 5-3: 1, 4, 5

## Verootmoedigingsdiens

Wetlesing: Matteus 22:34-40; Sing Ps. 40-1: 3, 4; Gebed

## Woorddiens

Skriflesing; Woordverkondiging

## Antwoorddiens

Belydenisaflegging; Geloofsbelijdenis: Apostolies; Sing Sb. 12-5:1; Gebed; Liefdegawes; Gebed vir BNB; Sing Ps. 126-1: 1, 2, 3 (Tweede melodie); Seën; Amenlied Sb.13-3

## GROEPBEDIENING

Vanaand gee ons weer aan al die groepe in die gemeente geleentheid om bymekaar te kom.

Daar vergader om 18:00 'n groep by die kerkgebou onder leiding van Ds. Piet. Bring asseblief jou Bybel en Psalmboek saam. Ons **fokus op die kronologie van gebeure in die lydensweek vanaf die Sondag met Jesus se intog in Jerusalem tot die Sondag van sy opstanding.**

## MEELEWING

- Shantell Andersen (Groep 35 - 081 503 5978) se pa is in 'n motorongeluk oorlede en die troosdiens was gister in Rustenburg.

- Turner Bezuidenhout (Groep 22 - 082 780 6045) het Maandag erge hoofpyne ontwikkel en is Potch Hospitaal opgeneem vir toetse en behandeling. Hy sterk nou tuis aan.
- Drikus en Elzari Nortje (Groep 19 - 076 581 9557) se kinders Andrigh en Anila se mangels is altwee Donderdag uitgehaal.
- Pieter Bredenkamp (Groep 23 - 082 879 7507) ondergaan op 11 April in Mooimed Hospitaal 'n operasie vir rekonstruksie van sy regter polsgewrig.
- Jurgen en Cornelia Schreck (Groep 38 – 084 208 3465) se twee seuntjies se mangels is uitgehaal.

**Ons bid dat die Here spoedig beterskap, herstel en troos sal gee.**

### **ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID**

Srs Marianne Kruger, Bettie Ras, Janet vd Walt, Hester Buys, Anna Scholtz, brs. Isak vd Walt, Tjaart Snyman, Andy en Blossom Pretorius.

### **ONDERSTEUNING VIR SIEKES**

Vir ondersteuning of besoeke deur die hospitaalbesoeke-diensgroep, skakel hierdie week vir: [siekles@oosdoppers.co.za](mailto:siekles@oosdoppers.co.za) of Ernest de Vries (082 903 8422)

### **ONS VERWELKOM VIR**

- Jan-Ad en Nicky Grové en hulle twee volwasse seuns, Hano en Dian, wat met attestaat aansluit vanaf GK Moorivier. Hulle woon in Jatruka w/s 308, gr 23.
- Sannie Grové wat met attestaat aansluit vanaf GK Buffeldoorns. Sy woon in Jatruka w/s 12, gr 23.

### **ONS GROET**

Manie en Aileen Steenberg wat gemeenskap met die GKSA opsê.

## **PROGRAM VAN DIE WEEK**

### **Vandag**

09:30 Oggenddiens  
Geen Kleuterbediening & Katkisasie  
Tee en Koffie  
Groepbediening

### **Dinsdag**

Geen Mannegroep

### **Woensdag**

10:00 Amandelbloeiels

### **Vrydag**

09:00 Paasdiens (Die Bult)

## **AFSKEIDSGELEENTHEID VAN DS KAREL EN SY GESIN: 7 MEI**

Ds Karel se losmaking en afskeid van ons gemeente sal DV op Sondag, 7 Mei, plaasvind. Dié dag se program sal as volg daar uitsien:

- 09:00 Vergadering van die kerkraad saam met afgevaardigdes van twee naburige gemeentes
- 09:30 Erediens met afskeidspreek
- 10:30 Kort seremonie na die erediens in die kerk
  - Amptelike losmaking
  - Dankwoord van die gemeente aan Ds Karel en Susan
  - Antwoord van Ds Karel en Susan
- 10:45 Tee en Koffie
- 12:00 Afskeidsete van die gemeente saam met ds Karel en sy familie.

**Lidmate moet bespreek om die ete by te woon.** Skryf asb name en getalle op die lyste wat in die Skuur se voorportaal aangebring is. Die afsnydatum vir die etebespreking is **26 April**.

Die kerkraad versoek lidmate om 'n donasie van R 30.00 per persoon vir die ete te gee. Indien lidmate dit nie kan bekostig nie, is hulle steeds welkom om die ete by te woon. Lidmate word ook versoek om hulle eie wyn

vir die ete saam te bring. Daar sal wel sap op die tafels bedien word.

## LIDMAATSTATISTIEKE SOOS OP 31 MAART 2017

Ons gemeente bestaan tans uit 526 belydende lidmate en 131 dooplidmate wat ons 'n totaal van 657 lidmate gee. Ons het 311 huisgesinne en 292 besoekpunte.

## VERJAARSDAE

Baie geluk aan almal wat DV hierdie week verjaar!

### Sondag, 9 April

Br Pieter Bredenkamp (70)	082 879 7507
Br Andy Pretorius (88)	076 391 6402
Br Wouter vd Spoel (82)	018 294 7935

### Maandag, 10 April

Br Roy Bartlett	082 257 3315
Sr Zanè Jordaan	074 064 8969
Br Dirk Lubbe	082 771 9245
Br Francois Watson	082 855 0423

### Dinsdag, 11 April

Br Deon Havenga	082 563 7182
Sr Marna v Emmenis	083 647 3695

### Woensdag, 12 April

Sr Nicolette Visser	082 925 2377
---------------------	--------------

### Donderdag, 13 April

Br Ig Hefer	083 651 2055
Br FJ Visagie	083 354 3712

### Vrydag, 14 April

Sr Hanneljie Coetzer	084 5800 201
Jsr Karli Ferreira	
Br Marius Ferreira	073 839 9113

### Saterdag, 15 April

Sr Chanelle v As	083 501 7181
------------------	--------------

## AFKONDIGINGS

- Liefdegawe vanoggend vir Barmhartigheid
- Gawe by die deure vanoggend vir die Emeritusfonds.

- Gawes volgende Sondag vir die Kerkblad.
- Vrywillige bydrae vir voertuigsekuriteit in die bussies by die deure.
- Diensbeurte: Groep 36 en 37.

## GOEIE VRYDAG - GESAMENTLIKE PAASDIENS BY DIE BULT

Dit is vanjaar Die Bult gemeente se beurt om die gesamentlike Paasdiens aan te bied. Hulle nooi ons uit om op 14 April, Goeie Vrydag, Paasfees saam te vier tydens die erediens om 09:00 by die Bult gemeente.

## AMANDELBLOEISELSELS

Ons nooi almal uit na die Amandelbloeiisel-byeenkoms op Woensdag, 12 April, om 10:00. Na opening vertrek ons na die kwekery (Ou Chalet-kwekery, langs Als) vir 'n heerlike ontbyt, bring asb R25 saam. Bring ook 'n ekstra geldjie saam om van hul afslag-plante te koop.

Almal is baie welkom. Laat weet asb as u kan kom, ons moet getalle deurgee, voor/op 10 April.



## GEMEENTEKAMP

**LEKKER - ALWEER SULKE TYD!**

**TEMA:** Hoe reik ons as Christene uit na mense met ander oortuigings (gelowe)?  
**SPREKER:** Prof. Henk Stoker

**WAAR:** SMILIN' THRU, op die wal van die Vaalrivier naby Parys.

**DATUM:** 12, 13 en 14 Mei 2017

**KOSTE:** 4 x 4-bed Chalets = R700 per nag  
2 x 4-bed Chalets = R800 p/nag  
(Opgradeer)

1 x 8-bed Huis = R1100 p/nag

2 x 4-bed Cottage = R700 p/nag

Kampplekke: R80 P/P per nag

Country Village (Silo's) R480

p/kamer (2 persone) per nag = NIE self-catering nie. Restaurant is beskikbaar.

Amptelike besprekings sluit einde **APRIL!**

Betaal in die kerk se rekening en stuur bewys van betaling na Anna Smith: [smithanna1947@gmail.com](mailto:smithanna1947@gmail.com) of stuur watsapp na 082 765 9813. Baie dankie aan al die kampers! Ek hoor graag van julle!  
Anna Smith - 082 765 9813

## SOSIALE MEDIA VIR ONS GEMEENTE

Webblad: [www.oosdoppers.co.za](http://www.oosdoppers.co.za)

Facebook: [www.facebook.com/oosdoppers](https://www.facebook.com/oosdoppers)

## Beeldmateriaal van preke kan hier gesien word : <http://ow.ly/ivfZ309vsdc>

Ons wil ook graag 'n vriendelike versoek rig dat u nie op die gemeente se elektroniese sms-stelsel terug antwoord nie, maar asseblief die kerkkantoor bel of 'n e-pos stuur, aangesien dit 'n rekenaar-sms is.

Ds Karel se preke kan aanlyn besigtig word by <http://karelsteyn.blogspot.co.za/>, en word ook weekliks uitgestuur per e-pos.

Ds Piet stuur weekliks sy preke per e-pos uit. Laat weet hulle indien jy dit wil ontvang.

## KONTAKBESONDERHEDE: PREDIKANTE & KANTOOR

Ds. Piet: 018 290 5635 / 082 779 1237

Ds. Karel: 018 294 3067 / 072 476 8794

Kerkkantoor: 018 290 7690

## KENNISGEWINGBORD IN DIE SKUUR

- Vakature: Adminburo: Assistent van die Rektor en Rektoraat
- Rivertoer: Jong werkendes 14-17 April
- Uitnodiging na Kunstantoonstelling

**Brief van die Tussenkerklike Raad (Nederduitse Gereformeerde Kerk, Nederduitse Hervormde Kerk en Gereformeerde Kerke) aan die NUK van die ANC:**

## Optrede teen President Jacob Zuma

Ons land staan tans by 'n kruispad. Met 'n bevolkingsgroei van ongeveer 1% per jaar, 'n ekonomiese groeikoers van omstreng 0,3% per jaar, ongeveer 9 miljoen werklose mense, meer as 17 miljoen mense wat afhanglik is van staatstoelae, en 'n voortgaande proses van emigrasie onder vaardige, jong Suid-Afrikaners en hulle gesinne, word dit al moeiliker om vir gewone Suid-Afrikaners die geleentheid te bied om 'n menswaardige bestaan te voer in ons geliefde land. Onder sulke omstandighede is dit geen wonder dat misdaad deel is van die alledaagse lewenservaring van ons burgers nie.

Alhoewel kerke geen voorneme het om by die regering van die land betrokke te raak nie, het ons 'n morele verantwoordelikheid. Alle mense is na die beeld van God geskep en die Bybel leer ons dat ons inderdaad wel ons broers se hoeders is. En soos die profete van ouds is ons geroep om te getuig teenoor diegene in magsposisies, of dit nou 'n koning of president of kabinet is. Elke persoon wat gesag uitoefen, doen dit in verantwoordelikheid teenoor die Almagtige God, en sal voor Hom verantwoordelik staan oor die manier waarop hy/sy hierdie mag tot voor- of nadeel van God se mense uitgeoefen het.

U sal onthou dat ons gedurende Augustus 2015 'n ontmoeting gehad het met verteenwoordigers van die NUK van die ANC in Luthulihuis. By daardie geleentheid het ons reeds aan die senior ANC-lede teenwoordig, waaronder mnr Gwede Mantashe, me Jessie Duarte, en mnr Zizi Kodwa gestel:

"Mr Zuma's integrity has been widely questioned before his first term as President of South Africa, and his controversial conduct since 2009 has only served to heighten the local and international reservations about his suitability to serve as an inspiring example to the citizens of this

country.

Unfortunately this goes hand in hand with the appointment of questionable members of the ANC in government at the various levels, with appointees who have been shown to lie in public and even in court. A number of individuals with a dubious track record have been appointed as ambassadors, diplomats, or as senior advisors or heads of government departments.

These ill-fated appointments, individuals intent on furthering their own interests, as well as faction fighting have led to the gross mismanagement of government departments, municipalities, and (semi-) state enterprises such as the SAPS and newly founded Hawks (the Directorate for Priority Crime Investigation (DPCI), SAA, the SABC, Eskom, Prasa, PetroSA,. It should therefore not surprise anyone that these vitally important institutions have been characterised by instability, poor service delivery, corruption and massive losses of tax money that could have been used for health, education, housing and job creation.”

Die senior leierskap van die ANC het nie ag geslaan op ons ernstige waarskuwing nie. Hulle het gereageer deur vir ons te vertel hoe populêr Mr Zuma onder gewone Suid-Afrikaners is, asof dit die negatiewe effek van swak uitvoerende handelinge ongedaan sou maak.

In April 2016, na die eenparige uitspraak van die Konstitusionele Hof oor die Nkandla-skandaal, het ons weer eens 'n brief aan die leierskap van die regerende party gestuur, waarin ons onder meer skryf:

“Mr Zuma failed to heed the [Public Protector's] report, leading to the unanimous judgement of the Constitutional Court that found him guilty, not only of abusing state funds, but also of not fulfilling his sworn constitutional duty to uphold the constitution of this country. We fear that Mr Zuma's half-hearted apology on the 1st of April 2016 does not undo his flouting of the constitution

or inspire confidence that he will uphold the constitution without being dragged before court. On the contrary, his behaviour is destroying the moral fibre of our society and is a major cause for conflict and polarisation amongst our people.”

Nogmaals het die senior leierskap van die ANC geen ag geslaan op ons ernstige waarskuwing nie. Trouens, hulle het nie eens op enige manier op ons brief geantwoord nie.

Kort na middernag, vroeg op Vrydag 31 Maart 2017, het mnr Zuma weer eens roekeloos gehandel deur die Minister van Finansies en ander kabinetsministers te ontslaan terwyl hy sekere ministers wat pateties gevaaar het in sy kabinet behou het, selfs al is hulle vir hulle nalatigheid deur ons howe voor stok gekry. Sy optrede het weer eens geleid tot 'n vermindering in ons geldeenheid se waarde, 'n uitvloei van kapitaal uit Suid-Afrika, en onsekerheid oor die land se kredietgradering. Dit lyk asof mnr Zuma óf nie verstaan wat die gevolge kan wees vir die regering se vermoë om dienste aan die burgers van die land te kan lewer nie, óf dat hy eenvoudig nie omgee nie.

Ons maak daarop nou 'n ernstige appèl op die Nasionale Uitvoerende Komitee van die ANC om julle leier verantwoordelik te hou en beslissend op te tree in die belang van die land as 'n geheel. Julle optrede nou sal bepaal wat die siening van gewone Suid-Afrikaners is van julle eie moraliteit en integriteit.

Ons gaan voort om vir die regering en al die mense van hierdie land te bid. Ons sal die geleentheid verwelkom om weer met u persoonlik in gesprek te tree.

## LYDENSTYD

Hierdie tyd voor Paasfees staan op die kerklike kalender bekend as lydenstyd. Maar wat beteken dit? Die Heidelbergse Kategismus vra die volgende vraag:

Vraag 37: Wat verstaan jy onder die woordjie "gely"?

Antwoord: Dat Christus na liggaam en siel tydens sy hele lewe op aarde, maar veral aan die einde daarvan, die toorn van God teen die sonde van die hele menslike geslag gedra het. **So het Hy met sy lyding as die enigste versoeningsoffer ons liggaam en siel van die ewige verdoemenis verlos en vir ons die genade van God, die geregtigheid en die ewige lewe verwerf.**

Wanneer 'n mens die Evangelies bestudeer, dan word dit duidelik dat hierdie lyding van Jesus in die laaste week voor en met sy kruisiging 'n hoogtepunt bereik. Maar wat het in daardie laaste week gebeur tot met die opstanding - van Sondag tot Sondag? Ons sien in hierdie tyd ook dat Christus as Koning, Profeet en Priester optree en ly soos die Ou Testament dit van Hom geprofeteer het:

Sondag	Intog in Jerusalem - Die Koning wat huil oor sy stad
Maandag	Weer Jerusalem toe: Die Koning wat die vyeboom laat verdor en die tempel reinig - die vyeboom is simbool van die verdorde, formalistiese godsdiens wat in die tempel bedryf word.
Dinsdag	Weer tempel toe: Die Profeet wat vir oulaas preek terwyl die Skrifgeleerde en Fariseer sy dood beplan. Hy verlaat die tempel vir goed en kondig die einde daarvan aan, want Hy gaan iets nuuts bewerk: gelowiges as tempels van God
Woensdag	Rusdag in Betanië: Maria salf sy voete as profesie van sy begrafnis. Judas pleeg verraad terwyl Jesus dit weet.
Donderdag	Weer na Jerusalem: Voorbereidings vir die maaltyd. Die aand: Paasmaaltyd saam met sy dissipels. Die instelling van Nagmaal, die Priester was hulle voete en bid vir sy dissipels. Die Priester se gebedsworsteling in Getsemané.
Vrydag	Vroegoggend: Gevangenisneming in Getsemané. Vroegoggend verhore voor die Joodse Raad Staatsverhore: Eers Pilatus, toe Herodus en toe weer Pilatus. Marteling deur soldate Kruisiging en sterwe - die Priester word paaslam. Begrafnis voor sononder - aanbreek van die sabbat
Saterdag	Sabbat - Jesus rus in die graf
Sondag	Opstanding uit die dood - Die Koning se eerste verskynings



# *SUSTERS IN DIE GELOOF*

*"DIE VREUGDE VAN 'n LEWENDE GELOOF"*



## **TEESKINKGELEENTHEID**

Tee word **vandag** onder die leiding van Sonette Turkstra (Groep 5), Karin Kruger (Groep 6) en Riana Heystek (Groep 7) bedien.

**Volgende week** skink Marlise Styger (Groep 8), Loretta Bester (Groep 9) en Marna Naudè (Groep 10) tee. *Baie dankie julle!*

- *Baie dankie aan die groepsusters en hulle groepe se susters en broers wat met die skink en opwas help!*
- *Ons moedig susters en broers aan om met die skink en opwas te kom help – so leer ons mekaar en ons nuwe groepe beter ken!*

## **SUSTERSBYDRAE**




Die susters se fondse word uit elke suster se vrywillige bydrae (R150 per jaar) verkry asook die fondse wat tydens fondsinsameling geleenthede geïn word. Hierdie geld word gebruik om na minderbevoorregtes uit te reik en daar word jaarliks aan verskillende verdienstelike instansies, donasies gegee.

## **BLIKKIES-WARMHARTE**

Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal goo en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproeing gaan. ***Die blikkies se kleingeld het dit moontlik gemaak vir die susters om in 2016 vir 29 persone 'n blomme-bederf of iets anders te gee. Baie dankie vir julle getroue bydra!***

## **BANKBESONDERHEDE VIR SUSTERS SE INBETALINGS**

Susters, let daarop dat die Susters 'n aparte bankrekening het vir al hul bydraes, nagmaletes se inbetalings, ens. Die rekeningbesonderhede is: Potchefstroom-Oos Susters, Capitec Bank, Tjekrekening: 145 652 5695, Takkode: 470 010



## OOSDOPPERTJIES

Matt. 19:14: "Laat staan die kindertjies en moet hulle nie verhinder om na My toe te kom nie, want die koninkryk van die hemel is huis vir mense soos hulle"

Skryf in die blokkie by elke sin 'n "O" as die stelling onwaar is en 'n "W" as die stelling waar is!

(En kyk sommer of jy die regte antwoord ken.)

Judas Iskariot is gekruisig.	
<b>Moses het 'n ark gebou.</b>	
Die Here het sy wet aan Moses gegee.	
Daniël het vir Potifar gewerk.	
Maria het Jesus se voete gesalf.	
<i>Saul was die eerste koning van Israel.</i>	
Petrus het 'n goue kalf gemaak.	

Daar is twee persone hierbo wat deel was van Jesus se twaalf dissipels.

Hulle was: \_\_\_\_\_ en \_\_\_\_\_.

### BAIE DANKIE AAN ONS BORG VAN DIE WEEK!

• **HUIZEMARK** •

**EIENDOMSAGENTSKAP**

**ONS HET VOORDUREND POSTE BESKIKBAAR  
VIR AGENTE EN BEMARKERS**

**ONS DOEN :**  
Verkope & Verhurings

\* Huise, \* Woonstelle,  
\* Meenthuise,  
\* Besigheidsperselle,  
\* Plase, \* Plotte

**VIR ALLE  
EIENDOMSBEHOEFTES**

**SKAKEL**  
**Rolene vd Walt**  
082 859 6209

**Linda Nolte**  
082 785 3951